

ურბანული რეკონსტრუქციის და განვითარების პროექტი (URDP)

ტენდერი დასახელება:

დაბა სტეფანწმინდაში სპორტული კომპლექსის რეკონსტრუქცია

ტენდერის #: EIB/MIMP/W/NCB/26-2016

წინასატენდერო შეხვედრა

თარიღი: 27 ოქტომბერი, 2016 წელი

სატენდერო დოკუმენტაციის „ინსტრუქციები ტენდერში მონაწილეთაგან 7.4“ პარაგრაფის შესაბამისად **2016 წლის 27 ოქტომბერს, 15:00 საათზე** გაიმართა წინასატენდერო შეხვედრა საქართველოს მუნიციპალური განვითარების ფონდში, დავით აღმაშენებლის გამზირი #150, სართული 3, ოთახი #316, თბილისი 0112, საქართველო.

დამკვეთის მხრიდან შეხვედრას ესწრებოდნენ შესყიდვების სამსახურის უფროსი, შესყიდვების სპეციალისტები და საინჟინრო შეფასების სპეციალისტი.

შეხვედრას ესწრებოდა ორი დაინტერესებული კომპანიის წარმომადგენელი.

შეხვედრა გახსნა შესყიდვების სპეციალისტმა, რომელმაც ზოგადად განმარტა წინა სატენდერო შეხვედრის მიზანი.

დაინტერესებული კომპანიების მხრიდან დაისვა შემდეგი შეკითხვები:

1. რამდენად არის შესაძლებელი ტენდერის მონაწილემ შეთავაზებაში დააფიქსიროს გამოცხადებული შესყიდვის სავარაუდო ღირებულებაზე მაღალი ან დაბალი ფასი.
შესყიდვების სამსახურის უფროსმა განმარტა, რომ ტენდერის მონაწილეს შეუძლია დააფიქსიროს მიზანშეწონილი ფასი, რომელიც შეიძლება იყოს შესყიდვის სავარაუდო ღირებულებაზე მაღალი ან დაბალი.
2. შესაძლებელია თუ არა ავანსის გარანტია წარმოდგენილი იყოს სადაზღვეო კომპანიიდან.
შესყიდვების სამსახურის უფროსმა, განმარტა რომ სატენდერო დოკუმენტაციის „კონტრაქტის კონკრეტული პირობები 49.1“ პარაგრაფის შესაბამისად, ავანსი შეადგენს კონტრაქტის მიღებული თანხის არაუმეტეს **20%-ისა** და კონტრაქტორისათვის გადახდილი იქნება დამკვეთისათვის მისაღები საფინანსო დაწესებულების (მათ შორის სადაზღვეო კომპანიის) მიერ გაცემული იგივე ოდენობის საავანსო გადახდის საბანკო გარანტიის წამოდგენის შემდეგ.
3. სავალდებულოა თუ არა კონტრაქტის შესრულების უზრუნველყოფის გარანტია წარმოდგენილი იყოს ბანკისგან.
შესყიდვების სამსახურის უფროსმა განმარტა, რომ სატენდერო დოკუმენტაციის „კონტრაქტის კონკრეტული პირობების 50.1“ პარაგრაფის შესაბამისად, კონტრაქტის შესრულების გარანტია წარმოდგენილი უნდა იყოს ბანკის მიერ გაცემული უპირობო გარანტიის სახით.
4. საკმარისია თუ არა ბანკის წერილი ტენდერში მონაწილე კომპანიის საკრედიტო ხაზის შესახებ თუ საჭიროა ბანკის ცნობით დასტურდებოდეს ბანკის მზაობა კონკრეტულ ტენდერში გამარჯვების შემთხვევაში დააფინანსოს ტენდერის მონაწილე სატენდერო დოკუმენტაციის საკვალიფიკაციო მოთხოვნებში განსაზღვრული თანხით.
შესყიდვების სამსახურის უფროსმა განმარტა, რომ ბანკის მიერ გაცემული ცნობით საკრედიტო ხაზის შესახებ უნდა დასტურდებოდეს ბანკის მზაობა კონკრეტულ ტენდერში გამარჯვების შემთხვევაში დააფინანსოს ტენდერის მონაწილე სატენდერო დოკუმენტაციის საკვალიფიკაციო მოთხოვნებში განსაზღვრული თანხით.